

Rieglement Drèents Liedtiesfestival 2021



- a. Veur dielname an het Drèents Liedtiesfestival geldt een open inschrijving: elkenien mag metan doen en kan een iegen schreven lied insturen. (N.B: ondergrèens van de oetvoerenden: 16 jaor op de dag van de finale)
- b. Stichting REUR onderhoudt gedurende het hiele traject ketakt met de inzenders zölf. Inzenders bint: zangers(essen), componisten, meziek- en/of tekstschrievers. Vertegenwoordigers van/managers/impresariaten, etc. wordt niet zien as inzenders.
- c. De liedties (tekst en meziek) moet (origineel) schreven weden; her- en vertaolings van al bestaonde liedties wordt oetsleuten van dielname.
- d. De inzendings (de liedties) moet nei maakt weden; zie mugt nog niet eerder oetbracht weden op een geluudsdrager (cd, dvd, of digitale oetgaven as mp3, YouTube, enzowieder) of underdiel west weden van een podiumkunstproductie (revue, musical, liedtiespregram, enz.) op wat veur niveau dan ok.
- e. Een inzending bestiet oet een tekst en een (demo-)opname. Onvolledige inzendings kunt niet metan doen. Veur de inschrijving is het neudig het inschriefformelier volledig en naor waarheid in te vullen en met op te sturen.
- f. Inzenders die met meer as ien liedtien oetkeuzen wordt in de finale, moet der veur zörgen dat zie elk (finale)liedtien deur een aandere zanger(es) zingen laot. De oetvoorende zanger(es) die zal optreden in de finale, möt ok de demo inzungen hebben die bij de inzending instuurd is.
- g. Liedties die nao de sluting van de inzendtermien binnenkomt bij de jury, wordt oetsleuten van dielname en wordt niet (meer) beluusterd deur de jury. Op verzuuk van de inzender kan het liedtien archiveerd worden um een jaor later metan te doen met het Drèents Liedtiesfestival. De inzender möt dan wal artikel d. in acht holden)
- h. Inzenders die oetkeuzen wordt, kriegt zo gauw as 't kan bericht vanoet de organisatie. Van de oetkeuzen inzenders (en betreffende oetvoordenden) wordt verwacht dat zie (de hiele dag) beschikbaar bint op de dag van de rippetitie(s) en van de finale.
- i. De finalisten en winnaar(s) van het Drèents Liedtiesfestival warken met an alle (post)PR-activiteiten, die untstaot nao heur dielname an het Drèents Liedtiesfestival.
- j. De organisatie van het DLF - Drèents Liedtiesfestival zörgt veur een begeleidingsband (DLF-band) bestaonde oet rinnomeerde profmezikaanten. De organisatie verwacht van de finalisten dat zie gebroek maakt van dizze band. De bezetting bestiet oet: slagwark/basgitaar/gitaar/toetsen. Anvullings op die bezetting bint toestaon en de verantwoordelijkheid van de betreffende finalist, zowal organisatorisch as finantieel. Dizze (extra) mezikaanten bint verplicht met te rippeteren op de rippetitiedag met de DLF-band: as dizze mezikaanten verstek gaon laot bij de rippetitie, zul zie niet metspeulen gedurende de finale. De oetvoerenden die 's aovends in de finale optreedt, wordt niet betaald deur de DLF-organisatie veur heur optreden, met oetzundering van de DLF-bandleiden. De maximale wisseling van bezetting is 8

man; dit in verband met de logistieke meugelkheden.

k. De keuzes en de beoordielings van de beoordielingskemmissie en de vakjury over de verkeuzen finalisten en de winnaar(s) van het Drèents Liedtiesfestival wordt te allen tiede respecteerd en is niet onderhandelbaar of onderhevig aan partijdigheid. Tiedens de tillevisie-oetzending stiet de telling van de sms-stemmen under toezicht van een notaris.

l. De winnaar(es) van het Drèents Liedtiesfestival wint een professioniele opname van het liedtien. Dat kan een studio-opname weden en/of een videoclip. Stichting REUR betaalt daarvan de kosten tot een maximum van € 2000,- (incl. BTW) bij oplevering van de geluudsopname en/of videoclip. Stichting REUR kan een adviserende en bemiddelende rol speulen bij het vinden van een geschikte studio en/of video-productiebedrief.

m. De winnaar van DLF19 zal worden ofvaardigd naor het Europees Songfestival veur Minderheidstaolen dat plaatsvindt op het SUNS EUROPE festival in Udine. Van de winnaar(s) wordt verwacht dat zie daar beschikbaar veur bint en volledig an metwarkt. Betreffende daotum wordt z.s.m. deurgegeven an de winnaar as dizze bekend is bij Stichting REUR. Stelde veurweerden en hoesriegels ten anzien van de ofvaardiging hen het Suns Europe Festival dient gerespecteerd te worden en wordt nao de finale van het DLF met betreffende DLF-winnaar deurnummen.